

VENDIM
Nr. 199, datë 12.12.2019

MBI SHTYRJEN E FUQISË JURIDIKE TË VENDIMIT TË ERE-s NR. 268, DATË 21.12.2018, PËR TARIFAT E PËRDORIMIT TË RRJETIT TË SHPËRNDARJES SIPAS NIVELIT TË TENSIONIT

Në mbështetje të nenit 16, nenit 19, nenit 20, germa “c” dhe nenit 85, të ligjit nr. 43/2015, “Për sektorin e energjisë elektrike”, të ndryshuar, VKM-së nr. 244, datë 30.3.2016, “Për miratimin e kushteve për vendosjen e detyrimit të shërbimit publik, që do të zbatohen ndaj të licencuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike”, të ndryshuar, nenit 15, të “Rregullores së organizimit, funksionimit dhe procedurave të ERE-s”, miratuar me vendimin e bordit të ERE-s, nr. 96, datë 17.6.2016, bordi i ERE-s, në mbledhjen e tij të datës 12.12.2019, mbasi shqyrtoi relacionin e Drejtorisë së Tarifave dhe Çmimeve nr. 114/17/1 prot., datë 10.12.2019, në lidhje me lënien në fuqi të vendimit të bordit të ERE-s nr. 286, datë 21.12.2018, në lidhje me tarifën e përdorimit të rrjetit të shpërndarjes sipas nivelit të tensionit dhe çmimet me pakicë, për klientët fundorë që shërbehen nga furnizuesi i shërbimit universal, për vitin 2020,

konstatoi se:

- Bazuar në nenin 19, të ligjit nr. 43/2015, “Për sektorin e energjisë elektrike”, të ndryshuar, ERE është institucioni përgjegjës për miratimin e tarifave për veprimtaritë e licencuara për të cilat është vendosur detyrimi i shërbimit publik.

- Në mbështetje të nenit 19, nenit 20, germa c, nenit 83, nenit 85, të ligjit nr. 43/2015, “Për sektorin e energjisë elektrike”, të ndryshuar; VKM-së nr. 244, datë 30.3.2016, “Për miratimin e kushteve për vendosjen e detyrimit të shërbimit publik, që do të zbatohen ndaj të licencuarve në sektorin e energjisë elektrike, të cilët ushtrojnë aktivitetin e prodhimit, transmetimit, shpërndarjes dhe furnizimit me energji elektrike”, të ndryshuar, Enti Rregullator i Energjisë është autoriteti përgjegjës për miratimin e tarifës së shërbimit të shpërndarjes së energjisë elektrike.

- ERE-ja, me vendimet nr. 182, datë 10.11.2017, dhe nr. 189, datë 23.11.2017, ka miratuar “Metodologjinë e llogaritjes së tarifave të operatorit të sistemit të shpërndarjes së energjisë elektrike”, si dhe “Metodologjinë e përcaktimit të çmimeve për shitjen e energjisë elektrike me pakicë te klientët fundorë që furnizohen nga furnizuesi i shërbimit universal (FSHU)”;

- ERE-ja, me shkresën nr. 541, datë 10.9.2019, i është drejtuar shoqërisë OSHEE sh.a., me kërkesën dhe kujtesën për paraqitjen e aplikimit për tarifën e shërbimit të shpërndarjes së energjisë elektrike, si dhe çmimet me pakicë për klientët fundorë që furnizohen nga FSHU për vitin 2020.

- Shoqëria OSHEE sh.a. nuk ka paraqitur pranë ERE-s aplikim, bazuar në parashikimet e legjislacionit në fuqi dhe kërkesës së ERE-s.

- Në këto kushte, bazuar në nenin 20, të ligjit nr. 43/2015, “Për sektorin e energjisë elektrike”, të ndryshuar, ERE-ja ka të drejtën të miratojë tarifa të përkohshme, në rastet kur operatorët e transmetimit ose shpërndarjes krijojnë vonesa në ndryshimin e tarifave.

- Me vendimin nr. 264, datë 20.12.2018, të bordit të ERE-s, është vendosur periudha tranzitore prej 12 muajsh, për bërjen efektive të transferimit të licencave:

- të operimit të sistemit të shpërndarjes së energjisë elektrike, të shoqërisë Operatori i Shpërndarjes së Energjisë Elektrike (OSHEE sh.a.), të shoqëria Operatori i Sistemit të Shpërndarjes (OSSH sh.a.);

- licencës së furnizimit të energjisë elektrike dhe detyrimit të shërbimit universal të furnizimit të energjisë elektrike, të shoqërisë Operatori i Shpërndarjes së Energjisë Elektrike sh.a. (OSHEE sh.a.), të shoqëria Furnizuesi i Shërbimit Universal sh.a. (FSHU sh.a.).

- Në kuptim të vendimit të ERE-s sa më sipër, shoqëria OSHEE sh.a. kishte detyrimin për të paraqitur pranë ERE-s aplikim në përputhje me “Metodologjinë e llogaritjes së tarifave të Operatorit të Sistemit të Shpërndarjes së Energjisë Elektrike”, miratuar me vendimin e bordit të ERE-s nr. 180, datë 10.11.2017, dhe “Metodologjisë së përcaktimit të çmimeve për shitjen e energjisë elektrike me pakicë të klientët fundorë që furnizohen nga Furnizuesi i Shërbimit Universal”, të miratuar me vendimin e bordit të ERE-s nr. 189, datë 23.11.2017.

- Me vendimin nr. 268, datë 21.12.2018, bordi i ERE-s ka vendosur të lërë në fuqi pikën 1 dhe pikën 3, të vendimit të bordit të ERE-s nr. 190, datë 30.8.2018, “Mbi shqyrtimin e aplikimit të shoqërisë OSHEE sh.a. për tarifën e shërbimit të shpërndarjes së energjisë elektrike sipas nivelit të tensionit dhe lënien në fuqi të çmimeve me pakicë për klientët që shërbehen nga Furnizuesi i Shërbimit Universal për vitin 2018”.

- Me vendimin nr. 190, datë 30.8.2018, në pikën 1, është vendosur mbi:

1. Lënien në fuqi të vendimit nr. 52, datë 6.4.2017, “Mbi lënien në fuqi të vendimit nr. 190, datë 22.12.2016, të bordit të ERE-s” për tarifën e shërbimit të shpërndarjes si vijon:

- Tarifa e shërbimit të shpërndarjes në nivelin e tensionit 35 kV, 1.5 Lekë/kWh.

- Tarifa e shërbimit të shpërndarjes në nivelin e tensionit 20 kV, 3.9 Lekë/kWh.

- Tarifa mesatare e shërbimit të shpërndarjes 4.79 Lekë/kWh.

- Me mbylljen e periudhës tranzitore, të parashikuar në vendimin e bordit të ERE-s nr. 264, datë 20.12.2018, aplikimi i shoqërisë OSSH sh.a., edhe në rast se adresohet pas shterimit të fuqisë juridike të vendimit të ERE-s sipër cituar, nuk lë kohën e mjaftueshme për vlerësimin dhe miratimin nga ERE, brenda vitit 2019.

- Në mënyrë që shoqëria Operatori i Sistemit të Shpërndarjes OSSH sh.a., me bërjen efektive të ndarjes së Operatorit të Sistemit të Shpërndarjes, për vitin 2020, të mundet të realizojë aktivitetin për të cilin është licencuar, konform ligjit nr. 43/2015, “Për sektorin e energjisë elektrike”, të ndryshuar, është e domosdoshme që faturimi për shërbimet që kjo shoqëri ofron të mund të bëhet mbi një çmim të miratuar nga ERE-ja.

Për gjithë sa më sipër, bordi i ERE-s

VENDOSI:

1. Të shtyjë fuqinë juridike të vendimit të bordit të ERE-s nr. 268, datë 21.12.2018, deri në miratimin e një vendimi, mbështetur në aplikimin e shoqërisë OSSH sh.a. për vitin 2020, për tarifën si më poshtë:

Emertimi	TARIFAT E MIRATUARA
Tarifa e shërbimit të shpërndarjes në nivelin e tensionit 35 kV	1.5 Lekë/Kwh
Tarifa e shërbimit të shpërndarjes në nivelin e tensionit 20 kV	3.9 Lekë/Kwh
Tarifa mesatare e shërbimit të shpërndarjes	4.79 Lekë/Kwh

2. OSHEE sh.a., në funksion të OSSH sh.a. dhe FSHU sh.a., përveç shlyerjes së detyrimeve korrente, të kryejë edhe pagesat ndaj KESH sh.a. dhe OST sh.a. për detyrimet e prapambetura, në përputhje me parashikimet e VKM-së nr. 253, datë 24.4.2019, “Për miratimin e planit të konsolidimit financiar të sektorit publik elektroenergetik”.

3. Nëse do të ketë efekte në të ardhurat e shoqërisë OSSH sh.a. do të bëhet përditësimi dhe kompensimi i tyre sipas përcaktimeve të nenit 20, germa “c”, të ligjit nr. 43/2015, “Për sektorin e energjisë elektrike”, të ndryshuar.

4. Drejtoria e Çështjeve Ligjore të njoftojë palët e interesit për vendimin e bordit të ERE-s.

Ky vendim hyn në fuqi menjëherë dhe e shtrin fuqinë juridike që nga data 1.1.2020.

Ky vendim botohet në Fletoren Zyrtare.

Ky vendim mund të ankimohet në Gjykatën Administrative Tiranë, brenda 30 ditëve kalendarike nga botimi në Fletoren Zyrtare.

KRYETAR
Petrit Ahmeti